

Джиргълин хаалгъар

1937 джил арви нӕам кӱрӕд, тӱрӱн болдж СССР-и Деед Советд Хальмг республикасн сӕн гисн ӱрдуд сунгъгад, дуугъан Ӕгхд ик гидг хув нанд учрла. Тигхд би советин гражданин болад, тиим сӕӕхн зӕв элсндӕн цань угагъар байрллав.

Орн-нутган дахдж, Хальмг республикин экономик болн культур бас цецгӕрв. Коммунистическ партъ болн Советск правительств, хальмг республикиг ӕмкӕсн чинринь улм батрадж, олн келн-ӕмтнӕ булд чик хаалгъинь секв.

Хальмг келн-ӕмтн, алдр Ленинӕ партин чик политикӕр эврӕнн сӕн гисн ӱрдудӕн Деед Советдӕн сунгъгджана.

Тиим ик зӕв бӕӕсӕр, Хальмг республикин кӱч-кӕлсчнр эдл-ахугъан ӕксн деерӕн, кенӕс чигн тату биш культурта Селӕн, хотн болгънар школта, библиотектӕ, клубта, дакад гер болгънар, тӕрӕнӕ, хӕбнӕ хошмудар радио келнӕ, Ильичин шам шатна.

Хотл балгъсн ӕдр-сӕ уга тосхлтин кӕдлмшӕр дӱрклнӕ. Элстд кӱн ӱздж бах ханшго багъчудас бурдсн государствени ду-биигъин ансамбль бӕӕнӕ, сентябрь сард Хальмг государственн драматическ театр кӕдлмшӕн хӕру эклв.

Хальмг АССР-и Деед Советд негдгч сунгъгвр болхд нег чигн ачта артист уга билӕ, ода болхла, мана театрт билгтӕ дӕр-ви артистнр кундтӕ нер зууджӕнӕ. Эднӕ хаалгъ кӕбдж, дакад чигн кесг билгтӕ артистнр театрин сцен деер ӱудх.

Эндр ӕдр дуугъан ӕгхлӕрн, мана депутатнр сунгъгдсн улс даалгъсн даалгъвриг кӱцӕх гидж ицджӕнӕвдн.

ХОНЬНА Михаил,
Хальмг драмтеатрин директор.